

2020

AÑA DI
ENSEÑANSA Y
INNOVACION

ISLA(•)NLINE

Diahuebs 2 April 2020

Email: prensa@arubagovernment.aw Tel: 528-4900



GOBIERNO DI ARUBA

The background of the page features a scenic view of a beach with palm trees in the foreground, turquoise water in the middle ground, and a city skyline in the background under a blue sky with clouds. A large, semi-transparent blue triangle is overlaid on the right side of the image, containing the text 'UN ISLA UNI'.

UN ISLA UNI

Un Isla Uni ta un Isla cu ta Progresá...

ISLA ONLINE

NOTICIA DI GOBIERNO



MINISTER EVELYN WEVER-CROES

PRIME MINISTER DI ARUBA



ESNAN CU SALI DI CUARENTENA NO TA IMMUN PA COVID-19



Den e dianan cu ta sigui esnan cu a haya orden di Departamento di Salud Publico pa keda den cuarentena ta bay ta cumpliendo cu nan 14 dianan.

Na momento cu e dia yega ta di sumo

importancia pa e persona cu ta sali di cuarentena ta informa cu tur medida di prevencion ta conta pa su persona tambe.

- Shelter in place 6am- 9pm
- Toke de keda 9pm- 6am
- Samenscholings verbod; no maag di aglomera mas cu 3 persona riba caminda publico.
- Mantene distancia social
- Mantene distancia fisico di 2 meter.
- Tosa den bo elleboog
- Laba man frecuentemente cu habon of uza handsanitizer cu 60% alcohol.
- No mishi cu wowo, nanishi y boca.
- Keda cas mas tanto posibel y sali solamente pa cosnan esencial.

• Si bo ta malo cu sintoma keda cas y tuma contacto cu 280.0101.


Na momento cu bo sali for cuarentena bo no ta immun pa e virus, bo ta na peliger pa contrae e virus di COVID-19 manera cualkier persona y ta di gran importancia pa bo proteha bo mes.

Esnan cu tambe a test un biaha caba pa COVID-19 y a test negativo, esaki no ta nifica cubo ta immun of cubo no por haya e virus. Igual cu tur persona den comunidad bo persona por contrae e virus si bo no proteha bo mes.




DESAROYO CORONA VIRUS ARUBA:

Te cu 31 di maart, 2020, Aruba a conoce un total di 55 caso di Corona virus di cua 1 a cura.


**DESAROYO CORONA VIRUS ARUBA:**

E grupo di edad mas afecta ta entre 30 pa 34 aña cu un 16.4% di e totalidad di casonan na Aruba.




DESAROYO CORONA VIRUS ARUBA:

Na Aruba, tin mas hende homber (53%) cu hende muhe (47%) infecta cu e virus.


**DESAROYO CORONA VIRUS ARUBA:**

46.2% di esnan infecta ta bin di esnan cu no ta traha den e area di Hospitaliy (28.2%) y den cuida medico (25.6%).




DESAROYO CORONA VIRUS ARUBA:

E sintomanan mas comun den e 55 personanan cu a contrae e virus, ta tosamento seco, keintura y dolor di cabes.

**DESAROYO CORONA VIRUS ARUBA:**

Di e casonan na Aruba, 53.1% no tin historia di biahe mientras cu 28.6% a biaha y 18.4% no ta conocl. 95.1% ta residente.





MINISTER XIOMARA MADURO A PRESENTA E PLAN DI ALIVIO FISCAL PA E TRES LUNANAN VENIDERO

Siman pasa durante e conferencia di prensa di Gobierno Minister di Finansa, Asuntunan Economico y Cultura Sra. Xiomara Maduro a brinda informacion riba e Plan di Alivio Fiscal cu Gobierno ta bay ofrece den e tempo di crisis aki durante di lunanan di april, mei y juni. Gobierno ta alivia e peso di impuesto, den e momento di crisis aki pa duna e oportunidad di alivio fiscal cu e proposito di solidaridad y recuperacion pronto di e economia di Pais Aruba.

Contribucion di cada ciudadano ta importante

E mandatario a trece dilanti cu actualmente Gobierno no tin un buffer financiero pa asina den momento di crisis brinda yudansa na esnan mas vulnerabel den nos comunidad y na comercio. Siman pasa Gobierno a haya e apoderacion di Parlamento cu e aprobacion di e Presupuesto 2020 pa asina por busca e fondonan necesario riba mercadonan internacional y tambe a acerca Hulanda pa ayudo financiero. Minister Xiomara Maduro a informa cu e reunionnan aki ta tumando luga y hunto cu esaki Gobierno a traha riba un Plan di Alivio Fiscal pa e proximo 3 lunanan april, mei y juni. E mandatario a enfatisa tambe cu Gobierno ta brinda e Plan di Alivio Fiscal pero ta hopi importante e contribucion di cada un ciudadano, pa asina Pais Aruba por enfrenta e crisis aki.

Beneficianan di e Plan di Alivio Fiscal:

E titular di finansa publico a informa e beneficianan di e Plan di Alivio Fiscal:

- Pa e comerciante keda cu suficiente cashflow den su man y nos economia pa medio di apoyo financiero inmediato, pa mitiga desempleo y mas caida di actividad economico.
- Pa mehora e clima di inversion y stimula e poder compra pa por inverti bek den nos propio comunidad y economia.
- Pa duna oportunidad na esnan mas vulnerabel y afecta, e chens pa por supera e crisis aki riba nan mes un forsa.
- Pa duna tambe na esnan cu anteriormente no a cumpli debidamente cu nan impuesto un chens pa bin padilanti y inicia un trayecto di recuperacion y contribucion fiscal.

Plan di Alivio Fiscal

E Plan di Alivio Fiscal presenta pa Minister Maduro ta consisti di lo siguiente:

1. Prolongacion di e termino legal di pago di e impuestonan



mensual. Esakinan ta e impuestonan cu mester paga prome cu dia 15 di tur luna, manera Toeristenheffing, BBO/BAVP/BAZV, Speelvergunningsrecht, Bijzonder Belasting Verblijf (BBV) y Bijzonder Belasting op Verhuurauto's en Verhuurmotorfietsen (BBVAM). Tin condicionnan mara na esaki.

2. Companianan cu actividad relata na turismo no ta paga e contribucion di dunado di trabou pa AOV/AWW, bou condicion cu e ta entrega un 'payroll summary' hunto cu su declaracion di impuesto riba salario y prima di seguro social cerca e Inspector.

E stipulacion nr 1 y 2 ta valido pa empresa cu ta realiza actividadnan relata na turismo, casino, transporte y operador di tour, bar y restaurant, coffee lounge, seguridad, landscaping, salon di beyesa, agencia di biahe, car rental, watersport, carwash, perfumeria, joyeria, empresa cu ta bende paña, sapato y souvenir, compania di laundry y dry cleaning, groundhandlers, agencia di empleo temporario y compania di construccion cu ta relata cu industria cu turismo.

3. Prolongacion fecha di entrega di e declaracion y pago di impuesto riba ganashi 2019 cu excepcion di e institucionan financiero.
4. Prolongacion di pago segun acuerdo di pago di 3 luna.

5. No lo cobra boet pa incumplimento, ora cu no a paga a debe di impuesto, a haci pago parcialmente of a haci pago laat.

Continuacion Pagina 6

6. Ta suspende interes riba debe di impuesto habri.

7. Areglo di pago flexibel

- Maximo 24 luna cu un suma minimo di Afl. 100 pa e contribuyentenan individual
- Maximo 24 luna cu un suma minimo di Afl. 500 pa entidad empresarial
- Maximo 36 luna cu un suma minimo di Afl. 75 pa pensionadonan

8. Maneho pa sanea debe (di impuesto) ora cu paga e suma den un solo biaha.

Tur cobranza cu fecha di:

- te cu 31 di december 2010: 75% di descuento
- 1 di januari 2011 te cu 31 di december 2014: 50% di descuento
- 1 di januari 2015 te cu 31 di december 2016: 30% di descuento
- 1 di januari 2017 te cu 31 di december 2019: 10% di descuento

9. Suavisa maneho encuan to reduccion di tarifa riba pago di dividendo

Aña pasa Gobierno a reduci e traifa di 25% pa 10% ora e companianan paga nan dividendo. Awor ta duna e companianan cu tin placa afo oportunidad pa trece esakinan Aruba y declara esakinan na 10% enbes di 25%.

10. Stipulacion pa cu repentimento

Si un contribuyente of esnan cu tin obligacion di retene impuesto no a haci esaki corectamente, ainda por dicidi di haci nan declaracion debidamente y duna informacion y datonan na Inspector corectamente sin cu ta impone un boet pa delito fiscal.

11. Ta aplasa e di cobramento cu forsa di ley

E proceso di cobramento di impuesto cu forsa di ley por medio di beslag riba salario, cuenta bancario, bienes mobil y inmobil,

lo wordo aplasa cu tres luna cuminsando na april 2020. Entrega di dwangschrift door di deurwaarder lo continua manera custumber.

12. Maneho pa cu controlnan di buki

Controlamento di buki y control na sitio indica ta wordo aplasa te cu fin di juni 2020, cu excepcion di si ta un situacion cu ta concerni fraude di impuesto.

13. Mehoracion di servicio online pa medio di declaracion y pago online

E contribuyentenan por haci uzo solamente di e canalnan digital pa entrega declaracion (mensual), carta di obhecion y otro documento, na departamento di impuesto. E uzo di declaracion online y pago ta obligatorio pa reduci interaccion entre persona.

14. Comunicacion transparente via medianan social.

Departamento di Impuesto lo bay haci uzo mas intensivo di media social (FaceBook, pagina web y DIMP-APP), pa pone e contribuyente na altura di e cambionan den informacion y pa identifica esnan cu no ta contribui cu impuesto, pa e informacion yega na nan tambe.

Minister Xiomara Maduro a informa cu Departamento di Impuesto ta finalizando e Plan di Alivio ya cu na e puntonan stipula den e Plan tin condicionnan mara na nan. Pa mas informacion y detaye di e Alivio Fiscal acudi na www.impuesto.aw. E mandatario ta expresa palabra di danki na e funcionarionan di Departamento di Impuesto, Departamento di Asuntonan Economico, Departamento di Finansa y Oficina Estadistica cu a traha duro pa asina Gobierno por brinda e Plan di Alivio Fiscal aki na nos comunidad.

ALIVIO FISCAL 2020

VIGENTE APRIL, MEI Y JUNI



01	Prolongacion di e termino legal di pago di e impuestonan mensual.	08	TA Sanea PAGO DI DEBE ■■ ■■ * • 31 di december 2010: 75% di descuento. • 1 di januari 2011 te cu 31 di december 2014: 50% di descuento. • 1 di januari 2015 te cu 31 di december 2016: 30% di descuento. • 1 di januari 2017 te cu 31 di december 2019: 10% di descuento. * OBA CU PAGA E SUMA DEN UN SOLO BIAHA
02	Ta absolve e dunado di trabou di su deber pa paga e contribucion di ADV/AWW di luna di april, mei y juni 2020. E INCLUIDO ANTA CONTAMINANTE CHINO: casino, transporte y operador di tour, musico, seguridad, coffee lounge, bar y restaurant, carwash landscaping, salon di beauty, agencia di bishita, car rental, watersport, compania di laundry y dry cleaning, perfumaria, joyeria, empresa cu ta bende paña, sapato y souvenir, groundhandlers, agencia di empleo temporario y compania di construccion.	09	Suavisa maneho encuan to reduccion di tarifa riba pago di dividendo.
03	Prolongacion di e termino legal pa entrega declaracion y pa haci pago di winstbelasting 2019 cu excepcion di e institucionan financiero.	10	Stipulacion pa cu repentimento (Inkeerbetaling).
04	Riba acuerdo di pago vigente ta pospone e pago cu 3 luna.	11	Ta aplasa e proceso di cobramento cu forsa ■■ ley.
05	NO lo cobra boet pa incumplimento, ora cu no a paga e debe di impuesto, a haci pago parcialmente of a haci pago laat.	12	Ta aplasa e maneho pa cu control di buki.
06	Ta suspende interes riba debe di impuesto pendiente.	13	Mehoracion ■■ servicio ■■ medio di declaracion online y pago.
07	AREGLO ■■ PAGO FLEXIBEL Maximo 24 luna pa contribuyente particular cu minimo 300 florin. Maximo 24 luna pa entidad empresarial cu minimo di 500 florin. Maximo 36 luna pa e pensionado afo cu minimo di 75 florin.	14	Comunicacion transparente via medianan social.

GOBIERNO DI ARUBA

Pa mas informacion tocante e condicionnan aplicabel bishita www.impuesto.aw

Minister Xiomara Maduro di Finansa: YUDANSA DI REINO LO TA DEN FORMA DI FIANSA CU LO DEPENDE DI CAPACIDAD DI PAGO DI CADA PAIS


Diahuebs merdia Minister President y Minister di Finansa a reuni cu Minister Knops y e Minister Presidentnan di Corsow y Sint Maarten den un reunion preparatorio pa e reunion diabierna di Consejo di Minister di Reino. Dentro di poco Consejo di Minister di Reino lo trata e peticion pa yudansa di cada Pais y lo mester tuma un decision. E ta bisto cu e yudansa no ta bay ta un regalo, ma e ta bay ta den forma di un fianza cu cada Pais mester paga bek. Cuanto placa lo por haya pa fia lo depende di e capacidad di cada Pais pa por paga bek.




COVID-19 CORONAVIRUS

KICO TA RECOMENDABEL
PA HACI?

BO NO TIN SINTOMA?



EVITA MULTITUD
GRANDI DI HENDE



SIGUI E PASONAN
DI PREVENCION

BO TIN SINTOMA?



KEDA CAS Y EVITA
CONTACTO CU OTRO
PERSONA



MELD NA
280 0101



GOBIERNO DI ARUBA

SINTOMANAN

DOLOR DI CABES

KEINTURA HALTO

PROBLEMA
RESPIRATORIO

TOS SECO Y
DOLOR DI GARGANTA

PREVENCION



SALUDA SIN SACUDI MAN
CU OTRO




TAPA BO TOS Y BO NISTER.
NISTER NA E PARTI PADEN
DI BO ELLEBOOG.



LABA MAN FRECUENTEMENTE
CU AWA Y HABON
DE UZA HAND SANITIZER
A BASE DI ALCOHOL
(MIN. 60%)



EVITA MULTITUD GRANDI
DI HENDE



EVITA DI MISHI BO WOWO,
NANISHI Y BOCA.

INFORMACION IMPORTANTE PA TUR PERSONA CU TA COBRA BIJSTAND!

Tuma BON nota cu tin cambio solamente pa esunan cu ta cobra normalmente na Post Kantoor Nicolas, Postkantoor Oranjestad y MFA Savaneta. TUR otro cliente cu ta cobra normalmente na MFA Sta.Cruz, MFA Paradera y/of MFA Noord ta keda mesun cos, pues no tin cambio. Pa tur cliente cu normalmente ta cobra bijstand via banco, no tin cambio pues tur cos ta sigi normal.

Pa cualkier duda of pregunta por tuma contacto cu DAS na telefoon 528-1100 of 528-1100.

Pago di bijstand April 2020

- Mucha no ta permiti na localidadnan di pago.
- Personanan di edad mas avansa ta haya prioridad.
- Ora di warda turno pafo, porfavor mantene bo mes na minimo 1,5 meter di distancia.
- Si bo persona ta malo por autorisa un otro persona via un carta y ID di ambos.
- Si bo persona ta interna den HOH, avisa e trahado social di HOH pa regla esaki na tempo.

Diabierna 3 di april 2020

- > Poskantoor SN: 8:00 am - 12:00 pm
Fam A t/c K
- > Postkantoor O'stad: 8:00 am - 12:00 pm
Fam A t/c K

Diasabra 4 di april 2020

- > Poskantoor SN: 8:00 am - 12:00 pm
Fam L t/c Z
- > Postkantoor O'stad: 8:00 am - 12:00 pm
Fam L t/c Z
- > MFA Savaneta:
8:00 am - 12:00 pm, Fam A t/c K
1:00 pm - 5:00 pm, Fam L t/c Z
- > MFA Sta. Cruz - Paradera - Noord:
8:00 am - 12:00 pm





Minister Glenbert Croes: PERCURA PA BO APLICACION PA FASE TA COMPLETO PA UN PROCESO LIHE



Nos pueblo y nos Pais ta pasando den un experiencia amargo. Bida di nos conciudadanonan a cambia di un anochi pa mainta. Hopi di nos hendenan a y ta perdiendo trabou. Hotelnan ta na 0% di ocupacion. Si Aruba tabata florece di turistanan, awe nos isla ta riba un descanso cu su playanan completamente bashi.

Den tempestad bo ta siña conoce bo forsa como pueblo y como pais. Den adversidad bo ta conoce e fibra di bo pueblo. Nos conciudadanonan ta pasando den un crisis nunca antes visto. P'esey como Gobierno nos a tuma e decision pa por sali na vanguardia di nos pueblo trahado, pa aporta na existencia di cada famia.

Gobierno a introduci FASE (Fondo Asistencia Social di Emergencia) unda cu si e aplicante ta cumpli cu tur rekisito, e por bin na remarca pa un ayudo di maximo Afl 950 mensual pa maximo 3 luna.

REKISITONAN:

- Carta di notificacion di bo dunado di trabou
- ultimo payslip of ultimo 2 si ta cobra pa quincena
- ID/Paspoort valido
- Permiso valido si ta aplicabel
- Cuenta bancario
- Persoonsnummer

TAXISTA/AUTOBUS/HULPCHAUFFEUR:

- ID/Paspoort valido
- copia di permiso
- ultimo 2 copia di pago di impuesto (BBO etc)
- permiso di hulpchauffeur (si ta aplicabel)

Nos ta haci un apelacion riba cada aplicante: percura pa bo aplicacion ta completo pa evita cualkier retraso. Bo ta facilita e trabou y proceso. Tin MILES di hendenan cu tin mester di e asistencia aki. Pues yuda nos yuda bo.

Despues cu bo registra online via www.fasehelpdesk.com, su aplicacion lo cana e proceso di evaluacion pa un comision cu ta consisti di DPL, DAO, DAS y PNT. E aplicacion cu haya aprobacion, lo haya su carta via email. Prome pago lo ta fin di april y e aplicante lo ricibi esaki riba su cuenta bancario. Mester tin un cuenta di banco. Pago den efectivo no ta posibel. FASE Helpdesk ta tuma na su encargo pa notifica WEB y ELMAR di e applicantenan cu a haya aprobacion.

Te cu 31 di maart tabatin alrededor di 5700 aplicacion personal, 744 negoshi cu a registra, mas di 15 mil yamada ricibi.

Minister ta expresa su gratitud na e team di FASE Helpdesk cu ta trahando tur dia, henter dia, hasta diasabra pa por logra termina e trabou pa sigura cu nos hendenan por haya su ayudo fin di april proximo.

"Pa termina mi kier expresa un bes mas mi apoyo incondicional na nos Minister President cu ta manehando e crisis aki como un berdadero lider, cu calma, firmesa y certesa. Den crisis bo ta conoce ken ta lider y Evelyn Wever Croes ta esun di nos. Cu Papa Dios sigui bendicion'e cu pasenshi y sabiduria pa e por sigui guia nos riba e caminda di recuperacion y restructuracion. Nos ta den porta di renacer di un Aruba Nobo", Minister Glenbert Croes a expresa.

**COVID-19
CORONAVIRUS**

UPDATE

**STOP DI
PLANE**



FASE HELPDESK

Fondo di Assistenza Social di Emergencia

PA ESNAN CU A PERDE ENTRADA

2800707 YAMADA
GRATIS
Fasehelpdesk.com

**COVID-19
CORONAVIRUS**

UPDATE

2-4-2020; 2:00 PM

**STOP DI
PLANE**



806 PERSONA GETEST

NEGATIVO

744

POSITIVO

60


PENDIENTE

1

INCONCLUSO

1

1235 DEN CUARENTENA



Minister di Husticia mr. Andin Bikker

DECRETO MINISTERIAL PA LIMITACION DI E CIUDADANO NO TA PA HACI FASTIOSO PERO PA PROTEHA COMUNIDAD



Minister di Husticia mr. Andin Bikker durante conferencia di prensa diamars anochi a splica cu e formula di decreto ministerial cu cada 72 ora ta reevalua. Manera tabata wak e circunstancianan ta desaroya, a bin ta adapta e decreto. Desde 13 di Maart na momento cu a constata cu tin dos caso positivo di Covid-19 na Aruba, cada bes mester a bay un tiki mas leu pa loke ta limitacion pa e ciudadanonan. Por ehempel personanan cu mester ta den cuarentena basicamente ta purba desvia di esaki treciendo e poblacion den peliger y esaki ta esencia di e mensahe cu Minister Bikker a trece dilanti.

E decreto ministerial no ta pa haci fastioso pero ta mas bien pa proteha e comunidad den e sentido mas esencial y oportuno cu ta pas den e circunstancianan sin precedente aki. Momento cu a formula e decreto Ministerial, a wak a base di principio di concordancia con otro isla y paisnan den Reino ta atendiendo cu e reto aki. A wak e decreto di hermana isla Corsou, a wak decreto na hermana isla Sint Maarten y maske cu nan a scoge pa otro formulacion, por bisa cu e efecto y e meta cu ta logrando ta practicamente mesun cos. Si wak esun di Sint Maarten, e ta hopi similar cu esun cu Aruba e opta pe.

Tambe a dicidi di marca of delinea e establecimentonan of tipo di ocupacion cu no ta esencial, pasobra ora e cuminsa delinea esaki, e ta bira un reto grandi cu no por e keda cla. Si nota cu den e bijlage cu ta poni na e decreto Ministerial, no ta para cu e tipo di actividad, sea comercial of di otro indole, no ta numera y wordo menciona, esey kiermen cu ta trata di un actividad esencial. Minister Bikker a bisa cu esey no ta kita si cu den articulo 1 y conhuntamente cu articulo 2 di e decreto cu pueblo por wak riba afkondigingsblad Aruba number 43 por mira e esencia di Shelter in Place. Loke cu kier logra cu Shelter in Place ta, cu mester pensa y evalua si ta necesario pa sali for di cas y esey ta e mensahe cu kier duna.

Prome cu un ciudadano sali di cas e mester evalua cu loke e ta sali haci ta algo cu berdaderamente ta rekeri pa bandona e shelter. Si ta trata di un servicio cu ta numera y cualifica como esencial mes, e servicio ey mester wordo duna cu un ocupacion minimal y cu si e servicio por wordo duna na distancia mester evalua esey. Cada bes cu gobierno pa medio di decreto basa riba ordenansa di calamidad ta bin cu limitacion di libertad di ciudadano ta netamente pa proteha e ciudadanonan e comunidad den un situacion hopi fastioso cu ta enfrentando actualmente.

CUERPO POLICIAL ARUBA TA INFORMA:

DURANTE E CRISIS AKI DI
COVID-19 / CORONA VIRUS**“BUREAU RIJBEWIJS TA KEDA CERA”**

- PA PROTECCION DI NOS COLEGANAN
Y ALGOMERACION DI PUBLICO OFICINA DI RIJBEWIJS TA CERA
Y TUR ACTIVIDAD TA KEDA CANCELA
TE CU PROXIMO AVISO,

BAN PREVENI AGLOMERACION Y BAN HUNTO KEDA CAS
CUIDA BO SALUD!

#KEDA CAS #FLATTEN THE CURVE

KORPS POLITIE ARUBA

CUERPO POLICIAL ARUBA TA INFORMA:

DURANTE E CRISIS AKI DI
COVID-19 / CORONA VIRUS**“WARDA DI ORANJESTAD TA KEDA CERA”**

- PA PROTECCION DI NOS COLEGANAN Y ALGOMERACION DI PUBLICO
NOS BALI Y OTRO DEPARTAMENTO TA CERA PA PUBLICO.

COMUNICA CU WARDA DI ORANJESTAD PA:
- ASISTENCIA VIA TELEFOON: 5273140

BAN PREVENI AGLOMERACION Y BAN HUNTO KEDA CAS
CUIDA BO SALUD!

#KEDA CAS #FLATTEN THE CURVE

KORPS POLITIE ARUBA

MANERA E STREPI GEEI DI NOS BANDERA!

FLATTEN THE CURVE!*Hunto*

COMO COMUNIDAD NOS POR LOGRA!



KORPS POLITIE ARUBA

ANUNCIO



GOBIERNO DI ARUBA

HULP BESTUUR KANTOOR TA HABRI BEK PA SOLAMENTE SERVICIONAN DI WEB, ELMAR Y SETAR

Entrante mayan 31 di maart e servicionan di Hulp Bestuur Kantoor ta habri bek pa solamente servicionan di WEB, Elmar y Setar cu excepcion di HBK/MFA Paradera.

HBK Paradera no lo por duna servicio mientras nos ta trahando riba medidanan di precaucion pa trahadonan y nos clientenan, asina cu trabounan aki keda cla nos lo anuncia esaki.

E horario lo ta entre 7.45 y 10'or di mainta pa persona mas cu 60 aña. Despues di 10'or lo habri pa publico en general te cu 11.30.

Pa alivia e fluho, e HBK nan lo duna servicio na solamente clientenan di WEB, ELMAR y Setar. Maximo 3 transaccion pa cliente. Ta pidi un y tur pa tene bon cuenta cu e horarionan y e medidanan di precaucion.

Ta permiti solamente 10 persona den e edificio alaves. Y lo tin solamente 1 cahera. Ta pidi e cooperacion pa e distanciamiento social tambe na esnan cu ta warda pafo. E higiena y salud di nos empleadonan y di nos clientenan ta keda prioridad.

Nos ta sugeri si pa tur hende yuda un persona pa haci su pagonan online y asina contribui pa stop e contagio di Covid-19. HBK ta gradici e cooperacion y comprension di comunidad.

COVID-19 CORONAVIRUS



**MEDIDANAN
NA VIGOR**

TE CU 19 APRIL 2020

*Bo no ta prisonero paden
bo ta 'Safe' paden!*



**TOQUE
DE
QUEDA**

9:00 PM - 6:00 AM



**PROHIBI
BISHITA NA
HOSPITAL**



**PROHIBI
BISHITA
CASNAN DI
CUIDO DI NOS
GRANDINAN**



**SCOLNAN
CERA**



**SHELTER
IN PLACE**

6:00 AM - 9:00 PM


GABINETE WEVER-CROES

MASK PROTECTION EFFICIENCY




N95

STRONGEST PROTECTION




SURGICAL MASK

MEDICAL USE



FFP1 MASK

ISOLATE SUSPENDED PARTICLES




ACTIVATE CARBON

STOP ODOR



CLOTH MASK

DIY



SPONGE MASK

FASHION USE



COVID-19 CORONAVIRUS

STOP DI PLANJE



GOBIERNO DI ARUBA

SHELTER IN PLACE

ENTRANTE DIADOMINGO 29 MAART 12:00 AM

ACTIVIDADNAN NO ESENCIAL:

INSTITUCIONNAN EDUCACIONAL

- Creche
- Kleuterschool
- Scolnan
- Universidadnan
- Facilidadnan pa duna curso

TIENDANAN

- Luganan di paña, asesorio, joyeria y souvenirs
- Tur Shopping mall y tiendanan (outlets)
- Flea markets, mercado pa turista, kiosko

CUMINDA Y BEBIDA (HORECA)

- Tur Bar
- Trucknan banda di caminda: (Take out of delivery por sigui)
- Panaderia (Take out of delivery por)
- Tur Restaurant (Take out of delivery por)

ACTIVIDADNAN RECREACIONAL

- Casino
- Clubnan nocturno
- Tur entretenimento pa adulto
- Tur exposicion di arte
- Centronan recreacional
- Cinema
- Tur compania cu ta ofrece actividadnan recreacional
- Luganan pa haci ehercisio y tur otro luga deportivo
- Museo
- Tur luga di beyesa: (Beauty shop, barber shop etc.)

OTRO

- Luganan cu ta tene reunionnan
- Tur luga di evento
- Misa
- Proyectonan di construcccion



MINISTERIO DI TURISMO,
SALUBRIDAD PÚBLICO
Y DEPORTE


PROTOCOL DI CONVIVENCIA CU PERSONA DEN



Risico

1

Drumi
den cama
separa.



2

Uza otro
baño. Haci
tur baño
bon limpi.



3

No comparti
serbete, set
di come,
ni glas.



4

Haci limpi y
desinfecta e
cosnan mas
uza na cas.




5

Laba paña,
laken y
serbete cu
mas frecuencia.




6

Matene
distancia.
Drumi den
camber separa.



7

Mantene
tur camber
bon ventila.




8

Si bo tin tos y
dificultad pa
hala rosea;
yama 2800101.



9

No kibra e periodo
di cuarentena, keda
na cas.



E prevencion ta cuminsa na **ABO!**



GOBIERNO DI ARUBA

*un
Feliz Dia*

ISLAONLINE
PA INFORMACION
CORECTO Y BERDAD